

Sel Prestuhn
Henry B. Eyring

Mwet in Kahsruh Se Met ke
Prestuhnsi Se Met



Puhsren Leum

Doctrine and Covenants uh suli mwet nuh kwewa ke acn nuh kwewa in lohng puhsren Leum Jisus Kraist (liye D&C 1:2, 4, 11, 34; 25:16). Puk se inge nwacnwaclah ke pweng Lal, mwe ahksensen, ac kwacfe ahkkuh ma ituckyang ke fwackyuck nuh sin mwet pahluh sollac. Ke fwackyuck inge kuht kuh in liye lah God El kuh in topuk pruhe in luhlalfongi lasr ke pweng in luti, mihs, ac ahksensen.

Ke pruhe lasr uh kuht suk in etuh lah meac God El ke kuht in oruh, lah meac kuht enenuh in oruh in konwacack mihs ac engan in moul se inge ac oac-yacpac moul se tohkoh, ac ma fah sikme nuh sesr uh. Doctrine and Covenants uh nwacnwaclah ke top nuh ke kain kihsen siyuck inge ma mwet uh ac mwet pahluh uh tuh siyuck ke pruhe puhsisacl. Puk se inge kuh in mwe kol sacohk se in luti kuht in eis top nuh ke kihsen siyuck ke kuhiyacn moul sukawihl lasr uh ac molwelah ma pahtpaht uh.

Puhsisacl ac luhlalfongi ke Leum Jisus Kraist uh pa ki. Oliver Cowdery el eis sie top sin Leum ke kena lal in kahsruh ke lwenglah luhn Puk luhn Mormon uh. Ahkacsmakihnyeyuhk Oliver muh fin wacngihn luhlalfongi na wacngihn ma el kuh in oruh; oruh el enenuh in siyuck ke luhlalfongi. Leum El sap Oliver elan tiac sritackihn ma luhn nguhn; ac in tiac siyuck ke ma ma el tiac enenuh in liye uh (liye D&C 8:10).

Kalweni na ke Doctrine and Covenants uh, Leum El enenuh luhlalfongi ac puhsisacl met liki El sang

kahsruh Lal. Sie srihpac ma oruh in angwe pa top Lal uh ac sahp tiac sikme ke ohiyac se kuht nuhnuh kuh uh. Ac te pacna fihswacsr pacl nuh kwewa in ahokkuhlah.

Sramsram mahtuh luhn Alu uh ac ma mwet mahtuh lasr met ah puhlakihn ah ahkkahlwemye ma pwacye se inge. Pahpah tuhmwacn pahpah mahtuh tuhmuhk ah Henry Eyring el pruhe ke insiyacl nohfohn in etuh lah meac el enenuh in oruh ke el lohng wosasuc foh-lohkyak uh ma lutyuck nuh sel ke yac 1855. Top ah tuhkuh ke mwemwe se.

El mwemwei muh el muhta ke tepuh se wi Elder Erastus Snow ke U luhn Mwet Sap Singucul Luo ah wi pac sie elder inel pa William Brown. Elder Snow el luti ip yohk ke wosasuc uh ke pacl ma luhman oacna ao se. Na Elder Snow el fahk, “Ke inen Jisus Kraist nga sap kom in pacptaislac ac mukul se inge [Elder Brown] . . . fah pacptaisikomlac.”¹ Sucu luhk uh sruikihn lah oasr luhlalfongi ac puhsisacl lal Henry Eyring in pacptaislac ke ao 7:30 ke lututacng ah lun sie luhlul in af fin acn St. Louis, Missouri, USA, sel Elder Brown.

Top nuh ke pruhe lal ah tiacna tuhkuh ke puhsra lohngyuck se sin Leum. Top ah tuhkuh ke sie aruhruhama ac mwemwe ke fong, oacna ke Lehi (liye 1 Nephi 8:2).

Leum el luti kuht muh top uh kuh pac in tuhkuh ke puhla. Ke Doctrine and Covenants, Leum El lotwel Oliver Cowdery muh El ac fah fahk nuh sesr ke insifacsr ac ke insiyacsr, sin Nguhn Muhtahl, suc ac fah tuhkuh nuh facsr ac muhta insiyacsr (liye D&C 8:2).

Tukun ma inge Leum El ahkacsmakihnyacl Oliver Cowdery muh El sramsram kihsen mihs nuh insifacn Oliver. Mwe lohoh wo fuhkah emet kom kuh in eis sahyen sin God uh? (liye D&C 6:23).

Doctrine and Covenants, sramsram mahtuh luhn Alu uh, ac sramsram mahtuh ma oreklac sel Henry Eyring ke misin lal tukun na el pacptaislac ah lutiyuc muh top uh kuh in akihlenyuck oacna mwe ahksensen oacpacna mihs.

Ke Eprel 1857, Elder Parley P. Pratt ke U luhn Mwet Sap Singucul Luo ah el wi toeni se ke acn se ma ingena muh Oklahoma, USA. Henry Eyring el suhmuhslah kac Elder Pratt muh “insiyac sesseslah ke nuhnak ahksuhpwacr . . . , ac el tiac kuh in etuh ma ac sikyak kuh kuhtwena inkacnek in kahingkuhlah.”² Tukun na ma inge Henry el suhmuhslah pweng ahsor se ke misac luhn Mwet Sap sac. Elder Pratt el tuh fahs nuh met ke fuhfahsryucsr lal ah finne oasr puhla sensen, oacna Mwet Pahluh Joseph el tuh oruh ke el som nuh Carthage ah.

Luhlalfongi kuh luhk uh pa pac luh kwewa Leum El topuk pruhe luhlalfongi puhsisac uh. Doctrine and Covenants uh wi ma kuht sifacna puhlakihn uh luti kuht in akihlen top ingacn ac ahokkuhlah ke luhlalfongi, finne mwe kol, ahkpwacyeyiacn ma pwacye uh, kuh mwe ahksensen se. Nga pruhe tuh pac luh kwewa kuht ac porongo kac ac akihlen puhsren pahkotwen luhn Leum.

MWE KAHSRUH

1. “The Journal of Henry Eyring: 1835–1902” (ma sihmlac ma tiacna oreklac se nuhtin mwet sihm uh).

2. “The Journal of Henry Eyring: 1835–1902.”

LUTI KE PWENG SE INGE

1. Motko in tuhkweni riti pacruhrahf ke pruhe ma oasr ke pweng se inge. Ke kowos riti an, siyuck sin mwet ke sucu an in lihksreni lohng lah God El ac topuk pruhe lasr uh fuhkah. Motko lah kom ac fahkwack luhlalfongi ke yohk srihpen pruhe.

2. Doctrine and Covenants nwacnwaclah ke top nuh ke kihsen siyuck ma mwet uh siyuck ke pruhe. Ac oacna meac fin top nuh ke kihsen siyuck lalos (fwackyuck ah) tiacna sihmlac? Ahkweye sucu an in etwaclah in akihlen ac ukwe kolyuck luhn Nguhn uh. Sahp elos ac luhngse sihmihs nuhnak lalos ke pruhe lun puk in sihm nahtuhlos an.

MWET FUHSR

Porongo Pihrihkyuck uh

Sel Maria Isabel Molina

Sie fong ah kuhsin srihsrihk se luhk el kahinglac liki loh ah, oruh nga suhlahklahk in som sokol. Ke nga kahsruhsr ke stosah ah, nga pruhe tuh Nguhn in kahsruweyuc. Nga etuh muh God El ac topuk ac kolyuc, ac nga srihke in porongo pihrihkyuck luhn Nguhn uh. Tuhsruhke ke nga tiac kuh in lohng kuhtwena ma, nga muhtwacwacack in puhla muh wacngihn finsrak ac nga puhla muh Nguhn El tiacna pihrihkyuc.

Finne nga luhngse som loes kuhtuh in suk, nga puhla muh nga enenuh in muhta na ke acn ma apkuhran nuh ke loh sin kuhsin luhk ah. Oruh nga sulacлах in sifilpac kahsruhsr ke acn sac. Ke nga tui ke sie acn ma inkacnek luo uh ohsun ah, nga liye atacn muhtwacn fuhsr se fahs. Nga konwacack kuhsin se luhk ah!

Ke nga srolah liki stosah ah kahsruhsr nuh yohrohl ah, nga akihlen muh Nguhn El kolyuc na in kahsruweyuc in puhla muh nga enenuh in muhta ke acn sacna. Ke srihpen nga porongo ke sie puhsra srihsrihk, nga apkuhran in pihlesrelah pihrihkyuck luhn Nguhn ah. Na nga kahlwem muh pac luh pucspucs kuht ac tiac lohng puhsra se, ac kuht ac puhla srihsrihk ke insiyacs.

Nga kulohkihn nuh pwacye ke kolyuck luhn Nguhn uh. Pwacye El oasr pac luh kwewa! Oacna ke ma suhmuhslah uh fahk muh Nguhn Muhtahl El fah oasr yohrohsr pac luh kwewa (liye D&C 121:46).

Kuht fin nwacsnwacs fal nuh ke kolyuck luhn Nguhn uh ac kuht lohacng, kuht kuh in mwe orekma se in poun God in oruh wo nuh sin mwet pucspucs. Ke Nguhn El oasr yohrohsr pac luh kwewa uh, kuht ac etuh inkacnek ma kuht enenuh in fahs kac uh.

TUHLIHK SRIHSRIHK

Ohiyac Sikyak se ke Pruhe

President Eyring el luti muh pruhe uh kuh in tohpoklah ke ohiyac puhkantwen. Kom kuh in

ahkpwacr in suk ma suhmuhslah an in konwacack
kuhtuh sin ohiyac ingacn.

Suk kais sie ma suhmuhslah ten inge. Ke puk in
sihm nuhtum an, sihmihs kuhtuh kahs in ahkuhtwe-
yac ma ma suhmuhslah inge uh fahk ke top nuh ke
pruhe uh.

Kom kuh pac in sihm lun puk in sihm nuhtum ke

ohiyac ma kom sifacna puhlakihn an ke pruhe ma
tohpohklah uh.

John 14:26

Enos 1:4–5

Mosiah 27:14

Moroni 10:4

Soa Kas 8:10–11



Orekma luhn Misineri

Lutlutkihn kuhfa inge ac, ke pacl fal, sramsramkihn yurin tahmtahel ma kowos muhtwacta nuh yohroh an. Orekmakihn kihsen siyuck an in kahsrwe kowos ahkkweye tahmtahel wiyowos an ac in oruh Rilif Sosaiti in ip utuftuf se ke moul lowos sifacna an.

Luhlalhfongi, Sucu, Kahsrh

Mwet Luhlalhfongi ke Lwen-sahflah uh enenuh in tuhkuh ke pacl ma fal nuh sin Leum in orekma ke imac Lal ke molwelah luhn nguahnin mwet (liye D&C 138:56), weacng pac orekma luhn misineri. Kuht tiacna enenuh pahng suwohs se nuh ke misin kuht in fahkwelihk wosasuc uh. Mwet sahyac suc moul la uh ac fah ahkinsewo-woyeyucklac ke wosasuc uh oasr yohrohrs, ac ke kuht ahkoekuhtlac uh, Leum El ac fah orekmakihn kuht. Mwet forfor luti uh kuh in ahokkuhnlah ma kunaclos in nguahn ac kahsrh in oruh in oasr moul kawihl ac moul ma pahtpaht luhn mwet uh (liye Moses 1:39).

Ke Mwet Pahluh Joseph Smith el akiyac Rilif Sosaiti ke yac 1842, el fahk muh muhtwacn uh ac tiac karihngihn mwet suhkahsrup muhkwenac in molwelah pac nguahn.¹ Srackna srihpacsr pa inge.

“Leum . . . El sang luhlalhfongi ke ma pwacye nuh selos suc ac fahkwelihk nuh sin mwet sahyac,” Prestuhn Dieter F. Uchtdorf el fahk, Mwet in Kahsrh Ahkluo ke Prestuhnsi se Met. Oacyacpac, Leum el enenuh kuht suc wi Alu fohlohkyak Lal uh in ikacslah inwacuhsr pacl nuh kwewa ac fahkwelihk wosasuc

Lal uh ke puhsren engan (liye D&C 28:16). . . . Kuhtuh pacl uh fahk sefanna ke luhlalhfongi kuh in oruh ma in mukwikwi ma ac ekuhlah moul luhn mwet se nwe tok ma pahtpaht.²

Ke Ma Suhmuhsrah uh

Liye Doctrine and Covenants 1:20–23; 18:15; 123:12

Ke Sramsram Mahtuh Lasr

Sramsram se kacil Olga Kovářová suc muhta acn se ma met ah pahngpahng Czechoslovakia el sie mwe srihkasrak luhn mempucr suc oruh orekma luhn misineri suc mwet ke sramsram mahtuh luhn Rilif Sosaiti. Ke puhluhn pacl 1970, Olga el sie mwet lutlut ke taktuh suc arulacna ke ahkyohkye moul in nguahn lal. El akihlen Otakar Vojkůvka, sie Mwet Luhlalhfongi ke Lwen-sahflah suc yac 75. “Nuh sihk el luhman yac itngucul limekohsr ke matwacil tuhsruhke ke insiyacl apkuhran nuh ke yac singucul oalkosr ac sesseslah ke engan,” el fahk. “Ma inge arulacna sakihrihk ke acn Czechoslovakia ke pacl sacn ma wacngihn mwet luhlalhfongi sie sin sie.”

Olga el siyuck sel Otakar ac sucu lal lah meac elos oruh in

konwacack engan. Elos oruh el in etuh kuhtuh pac mempucr ke Alu uh ac sang nuh sel sie Puk luhn Mormon. El riti ke insacnweacng ac el sa na pacptaislac ac ahkkweyeyucklac. E ke pacl sac Olga el sie mwet suc ahkyohkye ma wo ke facl se ma oasr ma lain ma mwet oruh ke kafucrmacn uh ac ma lain luhlalhfongi kuh alu luhn mwet uh. El kuhlhwacnsap ke ma kunen Prestuhn ke Rilif Sosaiti ke pracns srihsrihk se lal ah ac kahsrh in molwelah nguahn luhn mwet sahyac ke el kohlohlos nuh yurin Kraist.³

MWE KAHSRUH

1. *Liye Teachings of Presidents of the Church: Joseph Smith* (2007), 453.
2. Dieter F. Uchtdorf, “Waiting on the Road to Damascus,” *Liahona*, Mei 2011, 76–77.
3. *Liye Daughters in My Kingdom: The History and Work of Relief Society* (2011), 92–95.

Meac Nga Kuh In Oruh Uh?

1. Kuh nga ukwe pihrihkyuck luhn Nguahn Muhtahl ke nga fahkwack luhlalhfongi luhk yurin tahmtahel ma nga muhtwacta yohroh uh?
2. Nga kahsrh fuhkah tahmtahel ma nga liyacacng uh in etwacalah wosasuc uh?

Nuh ke kuhtuh pac ma in etuh, som nuh ke relief.society.lds.org.